



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

47. Dilecti Filii &c. Constitutio pro Ordine Fratrum Minorum Sancti Francisci.
Controversiæ, & lites de Primatu, & Anterioritate, perpetuo silentio
imposito, extinguuntur: Quæ pro Universis Tertiariis ...
-

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

ANNO
1728.

- ✠ Ego Johannes Baptista Tituli Sancti Stephani in Monte Caelio Presbyter Cardinalis Salernus.
- ✠ Ego Alvarus Tituli Sancti Bartholomaei in Insula Presbyter Cardinalis Cienfuegos.
- ✠ Ego Bernardus Maria Tituli Sancti Bernardi ad Thermas Presbyter Cardinalis de Comitibus, major Penitentiaris.
- ✠ Ego Johannes Baptista Tituli Sancti Matthaei in Merulana Presbyter Cardinalis de Alteriis.
- ✠ Ego Vincentius Tituli Sancti Onuphrii Presbyter Cardinalis Petra.
- ✠ Ego Prosper Tituli Sancti Calixti Presbyter Cardinalis Marifuscus.
- ✠ Ego Frater Augustinus Tituli Sancti Xysti Presbyter Cardinalis Pipia Ordinis Praedicatorum.
- ✠ Ego Nicolaus Tituli Sanctae Mariae in Dominica Presbyter Cardinalis Coscia.
- ✠ Ego Nicolaus Maria Tituli Sanctorum Johannis & Pauli Presbyter Cardinalis Lercarius.
- ✠ Ego Franciscus Antonius Tituli Sanctae Mariae in Via Presbyter Cardinalis Fini.
- ✠ Ego Frater Gregorius Tituli Sancti Augustini Presbyter Cardinalis Selli.
- ✠ Ego Frater Laurentius Tituli Sanctae Mariae de Araceli Presbyter Cardinalis Cozza.
- ✠ Ego Frater Vincentius Ludovicus Tituli Sancti Pancratii Presbyter Cardinalis Gotti Ordinis Praedicatorum.
- ✠ Ego D. Leander Tituli Sancti Hieronymi Illyricorum Presbyter Cardinalis Porzia Ordinis Divi Benedicti.
- ✠ Ego Petrus Aloysius Tituli Sancti Laurentii in Pane & Perna Presbyter Cardinalis Caraffa.
- ✠ Ego Joseph Tituli Sanctae Mariae de Traspontina Presbyter Cardinalis Accorambonus.
- ✠ Ego Laurentius Sanctae Agathae ad Montes Diaconus Cardinalis de Alteriis.
- ✠ Ego Carolus Sancti Angeli in Foro Piscium Diaconus Cardinalis Columna.
- ✠ Ego Alexander Sanctae Mariae in Cosmedin Diaconus Cardinalis Albanus.
- ✠ Ego Nicolaus Sanctae Mariae ad Martyres Diaconus Cardinalis Judice.
- ✠ Ego Antonius Sancti Nicolai in Carcere Diaconus Cardinalis Bancherius.

J. B. Archiepiscopus Nisibenus
Subdatarius.

V I S A

De Curia J. Archiepiscopus Ancyranus.

L. Martinettus.

Registrata in Camera Apostolica.

Felix Francischinus R. C. A. Secretarius.

ANNO
1728.

*Constitutio pro Ordine Fratrum Minorum
Sancti Francisci.*

Controversiae, & lites de Primatu, & Anterioritate, perpetuo silentio imposito, extinguuntur: Quae pro Universis Tertiariis in propriis domibus viventibus in Constitutione Paterna Sedis sancita sunt, denuo confirmantur, & Basilicae S. Mariae de Portiuncula, & S. Francisci Civitatis Assisensis sub diversis rationibus Ordinis Matrices decernuntur.

XLVII.

BENEDICTUS PAPA XIII.

Dilectis Filiis Ministro Generali totius Ordinis Fratrum Minorum Sancti Francisci, nec non Generali Ministro Fratrum Conventualium ejusdem Ordinis.

Dilecti Filii salutem &c. Qui pacem loquitur in plebem suam, & super Sanctos suos, certam illam avertendae contentionis viam, rationemque discipulis designavit, monitis, exemplisque suis eosdem adhortatus, ut qui major esset inter ipsos, fieret sicut minor, ac proinde esse contenderent, non praeminentiam, & primatu, sed ministrandi, ac subjacendi humilitate praecessores. Haec autem documenta B. Franciscus Seraphicus vestri Ordinis Conditor, & ipse mirabiliter arripuit, & expressit, & custodiendae pacis firmamentum esse voluit alumnis suis, qui modestam ipsa Fratrum Minorum appellatione Evangelicam illam caelestis Magistri normam praeseferentes, sinceram caritatis veraeque Fraternitatis disciplinam, & cultum per totam Christi Ecclesiam latissime propagarunt. Nos igitur, quemadmodum uberes ex religiosissima institutione Domini agri proventus largitori Deo reique Catholicae gratulamur; ita omnem dare operam debemus, ne dissidia, & lites de loco, & dignitate bonam frugem suffocare possint, fraternamque concordiam discindere, aut perturbare. Porro cum tres Constitutiones ediderimus pro institutione, ac regimine Tertiariorum ejusdem Seraphici Ordinis in propriis Domibus viventium, primam die 10. Decembris 1725. pro Fratribus Minoribus Regularis Observantiae, quae incipit: *Paterna Sedis Apostolicae providentia.* alteram die 24. Maij 1726. pro Fratribus Minoribus, qui Cappuccini appellantur, quae incipit: *Ratio Apostolici ministerii;* tertiam denique die 5. Julij ejusdem anni pro Fratribus Minoribus Conventualibus, quae incipit: *Singularis devotio:* non sine ingenti animi molestia rescivimus, controversias inter antedictas laudati Ordinis familias invaluisse de primatu, & antiquitate alterius praeter altera, de multiplici erectione Congregationum Tertii Ordinis, deque transitu Tertiariorum unius Congregationis ad aliam, quae cum religiosae disciplinae detrimento, scandala etiam in populis serere possint, & B. Patris Francisci spiritum in discipulis ejus extinguere. Diffensionibus igitur, ac jurgis aditum obstruere, & necessariam regulari disciplinae pacem, & tranquillitatem fovere, aut restituere cupientes; Motu proprio, ex certa scientia, non ad oblatam cujusquam petitionis instantiam, inprimis omnes, & singulas de memoratis causis lites, & controversias, utcumque, & in quacunque instantia super his ortas, agitas, & actu pendentes, coram quibuscunque Judicibus, ac Tribunalibus, etiam speciali mentione dignis, quorum nomina pro expressis haberi volumus, ad Nos avocantes, perpetuo silentio imposito extinguimus, & abolemus. Praeterea

quascun-

ANNO
1728.

quascunque Indulgentias, Indulta, Privilegia, Prærogativas, favores, exemptiones, libertates, extensiones, & concessionis tam in genere, quam in specie in memorata Constitutione, quæ incipit: *Paterna*, Tertiarius Fratrum Minorum de Observantia tributas, & per alias superius indicatas ad Tertiarios Fratrum Minorum Conventualium, & Cappucinorum, eorumque Superiores extensas, & ampliatas, tenore præsentium confirmamus, & approbamus, & quatenus opus sit, ipsis Fratribus Conventualibus, & Cappucinis, eorumque Tertiariis, in iis tamen, quæ præfatæ nostræ Constitutioni pro Observantium Tertiariis editæ non adferantur, & non aliàs, de novo concedimus; Mandantes potissimum, ut quæ in ipsa circa erectionem unius duntaxat Congregationis Tertiariorum pro unaquaque Civitate, aut Loco, de quæ eorum transitu præscripta, & sancita sunt, aliis posterioribus nostris non obstantibus, inviolabiliter observentur. Quoniam autem à mente nostra, & à proposito memoratæ Constitutionis, quæ incipit: *Singularis devotio*, prorsus alienum erat, ut Fratribus Minoribus Regularis Observantæ quidquam sui juris, aut possessionis erga Conventuales detraheremus, aut ipsis Fratribus Conventualibus majorem antiquitatem, aut aliam quamcunque prærogativam præ Observantibus concederemus, motu pari & scientia similibus decernimus & declaramus, verba & enunciationes, quæ antiquitatem & prærogativas ejusmodi respiciunt, nullius roboris, atque eo prorsus modo, ac si appositæ non essent, de cætero habenda fore & esse; Imò pro totius præfati Ordinis tranquillitate & pace perpetuum silentium super hujusmodi controversia imponimus, & pro imposito haberi volumus, & mandamus. Ne quis denique Basilicam Beati Francisci Civitatis Assisientis, ubi Sacrum ejus Corpus requiescit, à Romanis Pontificibus Prædecessoribus nostris variis Privilegiis auctam, ita supra cæteras ejusdem Ordinis Ecclesias verbis aut scriptis extollat & efferat, ut debitus honor ac reverentia denegetur Basilicæ Beatæ Mariæ de Portiuncula extra muros ejusdem Urbis, in qua constat Sæpaphicum Patrem institutum suum inchoasse, præcipimus & mandamus, ut ambæ Basilicæ, diversis licet rationibus, Beatæ Mariæ quidem propter Ordinis primordia, Assisientis verò propter sacrum Corpus sanctissimi Institutoris, tanquam Ordinis Matrices ab omnibus Fratribus Minoribus agnoscantur, & observentur, pro ut Romani Pontifices Prædecessores nostri asseruerunt, & concesserunt. Quascunque autem juris, verborumque solennitates nostrâ auctoritate suppletas, & quibusvis in contrarium facientibus amplissime derogantes; Quæ verò exprimens essent pro expressis habentes, fore cõfidimus, ut familiis vestris per hoc providentiæ nostræ judicium pristinam, vestroque nomine dignam concordiam partam esse gaudeamus. Vestrum autem erit, ut pari vigilantia, studioque curis nostris obsequentes, indecoram importunamque altercationum, libellorumque licentiam, in eorum auctores districte animadvertentes, sedulo inhibeatis. Ac Vobis, Dilecti Filii, paternæ voluntatis pignus Apostolicam Benedictionem peramanter impertimur.

Datum Romæ apud Sanctum Petrum sub Anulo Piscatoris die 21. Julii 1728. Pontificatus nostri Anno quinto.

Carolus Archiep. Emissenus.

Loco ✠ Sigilli.

Constitutio pro Fratribus Ordinis Prædicatorum, Jurisdictionem quasi Episcopalem exercentibus in Ecclesia Parochiali beatæ Mariæ & Sanctorum XII. Apostolorum Terræ Balneariæ Provincie Rheginæ in Brutiis, vulgo in Calabria ulteriori.

BENEDICTUS EPISCOPUS,

Servus Servorum Dei, ad perpetuam rei memoriam.

Contentiones & lites inter quascunque religiosas Familias, præsertim verò inter nostri Ordinis Fratrum Prædicatorum, aliasque Ecclesiasticas Personas, quæ quidem lites sine gravissimis incommodis & impensis, atque divini cultus, animarumque Salutis detrimento fieri nequaquam possunt, ad Nos pertinet extinguere, & prorsus eliminare, quemadmodum Pontificii muneris nostri ratio suadet, ut jus suum, supremâ, quam in terris obtinemus, auctoritate, unicuique tribuamus, in super & alia libenti animo peragentes, quæ salubriter expedire animadvertimus.

Cùm itaque, sicut accepimus, aliàs & postquam Parochialis Ecclesia beatæ Mariæ & Sanctorum XII. Apostolorum Terræ Balneariæ, nullius Diocesis, Provincie Rheginensis, quam olim felicitis recordationis Cælestinus Papa III. Prædecessor noster soli Romanæ Ecclesiæ subjacere decreverat, & sub beatorum Petri & Pauli Apostolorum, Sedisque Apostolicæ protectione susceperat, eamque & illius bona, pertinentias, dependentias, ac annexa quæcumque, dictamque Terram una cum ei subjectis locis ab omni jugo, potestate, injuria, & molestia quorumcumque hominum liberam omnino esse voluerat atque statuerat, pariterque decreverat; Postremò una cum universis ejusdem Parochialis Ecclesiæ bonis, grangiis, membris, annexis, juribus, actionibus & pertinentiis quibuscumque Capitulo & Canonicis Ecclesiæ Sancti Johannis Lateranensis, nuncupatæ de Urbe, concessa, sive illorum Mensæ Capitulari canonicè unita, annexa & incorporata extitisset, ipsique Capitulum & Canonici postmodum intendentes suam & dictæ Mensæ Capitularis conditionem efficere meliorem, omnia & quæcumque bona prædicta ad dictam Parochialem spectantia & pertinentia quondam tunc in humanis agenti Jacobo Rufo dictæ Terræ, dum viveret, Domino in temporalibus pro eo, ejusque Successoribus, causamque ab eo habentibus, cum hoc, ut dictus Jacobus, ejusque Successores, causamque ab eo habentes præfati, centum viginti novem ducatos monetæ Neapolitanæ, ac nonaginta sex cumulos frumenti singulis annis, necnon tertiam partem hororum recuperandorum, ad eandem Parochialem Ecclesiam etiam spectantium & pertinentium, pro dictæ Parochialis Ecclesiæ, illiusque fabricæ & factitiæ, nec non ejusdem Parochialis Ecclesiæ Rectoris pro tempore existentis manutentione respectivè, & congrua sustentatione persolvere & tradere deberent, ac forsan sub aliis pactis & conditionibus, tunc expressis, pro pretio viginti duorum millium hujusmodi in tot bonis stabilibus in territorio Urbis existentibus, reinvestiendi.

Ac aliàs sub certis modo & forma, tunc expressis, sub Sedis Apostolicæ beneplacito vendidissent, recolendæ memoriæ Gregorius Papa XIII. etiam Prædecessor noster, qui venditionem hujusmodi Apostolica auctoritate confirmaverat seu confirmari mandaverat, Ordinem Fratrum Prædicatorum propagare, divinique cultus in ipsa Parochiali Ecclesia incremento consulere volens, dictam Parochialem

ANNO
1728.

XLVIII.

I.
Summus Pontifex lites inter Ecclesiasticas Personas extinguit.

II.
Parochialis Ecclesia Balneariæ, Rheginensis Provincie, à Cælestino III. Apostolica Sede subjecta, postmodum transit in Jus Canonicorum Basilicæ Patriarchalis Lateranensis, qui eam vendunt Jacobo Rufo, loci Domino.

III.
Gregorius XIII. eandem Ecclesiam Parochialem assignat Ordini Fratrum Prædicatorum.